

廣西通志



廣西通志



廣西通志卷二百十八

金石畧四

宋三

朱子美劉伯宗題名

朱子美劉伯宗元豐初年六月二十八日遊日洞

來飲於崑

下開真書

右刻在臨桂龍隱巖

張頴題名

武陵張頴仲舉甫上苗時中子居洛陽劉宗傑唐

輔吳與劉誼宜父

真書徑三寸許

元豐元年八月初七

日自真山來遊

真書徑三寸許

廣西通志卷二百十八

金石四

張頴字仲舉其先金陵人徙鼎州桃源廣西轉

運使罷歸未幾進直龍圖閣知桂州

宋史張頴傳

苗時中字子居其先自靈關徙宿州交人犯邊

擢廣西轉運副使

宋史苗時中傳

劉誼元豐初提舉廣西常平上言廣西役錢弊

法乞裁損其數遂詔更革月給錢遞減二千歲

遂減役錢一千二百餘緡又請罷買沉香減鹽

價四十餘事上稱其論事有陸贄之風王安石

銳意新法極諫不便坐黜歸

事文

右刻在臨桂雉山宋詩紀事劉誼字宜翁

長典人第進士元豐間廣東江西提舉常

平官上疏論新法勒停隱茅山按劉誼曾

公嚴記結銜稱管勾本路常平則紀事云

提舉廣東者誤

權發遣轉運使尙書屯田郎中直集賢院張頴副

使殿中丞苗時中提點刑獄太常博士劉宗傑管

勾常平前江山丞劉誼元豐元年八月二十四日

遊龍隱巖

真書徑三寸許

右刻在臨桂龍隱巖之迴穴

劉誼曾公嚴記

并唱和詩

曾公嚴記元豐元年冬交入入貢上方擇人處

置疆事乃詔曾公自廣州移帥桂府二年南方無

廣西通志卷二百十八

金石四

事民和歲豐公以其餘暇訪尋桂之山水奇勝處

一日率郡僚遊所謂風洞者縱步而東行得一巖

於藁莽間巖之前有石爲之門屈曲而入則流水

橫其中碧乳垂其上周環四視其狀如雕鏤刻鏤

殆出於鬼工而不類於融結者也公於是拂石求

前人之迹則未嘗有至者焉乃構長橋跨中流而

渡以爲遊觀宴休之處且與衆共樂之自是州人

士女與夫四方之人無日而不來其巖遂爲桂林

絕觀夫桂之洞穴最多南有白龍北有石門迴穴

據其東隱山在其西皆唐名流之所嘗遊也觀其

詠歌序刻莫不極道其勝樂而嘆前人之所遺者

斯巖之景亦冠絕矣而乃獨遺之是真可嘆也已
豈當時忽于尋訪而不見耶將唐人所謂天作而
地藏之必待君子而後顯耶余生長東吳號為山
水窟中如天台雁蕩最為奇觀然未有過此者也
邦人樂公之德政而願以曾公名其巖以比甘棠
之思余故為書之且以告後人收入為口經盛事
云公名布字子宣其年九月二十六日管勾本路
常平前江口縣丞劉誼記

曾公巖詩 權發遣轉運使尚書度支郎中直集
賢院陳倩 源流承襲孔門賢姓氏今題洞穴間
傳說功高傳巖野謝安名著謝公山激泉救旱為

廣西通志卷二百十八金石四

三

霖雨磨石書勲破海變應其白雲同一意帝鄉歸
去未能還

次韻 龍圖閣直學士起居舍人經略安撫使曾
布 從事區區厭對賢尋幽深入翠微閑旋開榛

莽東郊路偶得神仙舊隱山都嶠三天臨瘴水

有三洞天 靈巖十里接溪蠻 靈巖號真仙
山有瘴江 靈巖十里接溪蠻 靈巖號真仙
洞距桂林 何如咫尺隣風穴杖履時時一往還

和 權轉運副使殿中丞苗時中 紅旆尋幽東

郭旁泉巖新得冠殊方十州氣象天開作萬古荆

榛地蔽藏崖穴乍驚堂室闢榜名知與日星長吳

時人指溪橋承恩愛還同邵伯棠

和 權發遣提點刑獄公事尚書屯田員外郎劉
宗傑 謝公高興在東山尋得仙巖郡邑邊萬朶
連峯凝碧乳一溪鳴玉逗寒泉由來物外無塵景
須信壺中有洞天嶺服已安襄詔近莫將歸夢更
畱連

和 權發遣提點刑獄公事秘書丞彭次雲 目
擊烟霞畫卷舒披榛敲石得蓬壺洞天日月千年
久人世塵埃一點無靈藥難尋雲縹緲落花不見
水縈紆使君鳳閣翱翔近謾與東山作畫圖

和 權提舉常平秘書丞齊謹 天作地藏知幾
年公來因得茂林間誰言物外真仙境祇接人居

廣西通志卷二百十八金石四

四

近郭山石乳望中蒼玉隊泉源深處卧龍閑行看
再為蒼生起乘興從容口遠還 已上俱真書徑
一寸註徑五分

曾布字子宣南豐人學于兄肇同登第元豐初

以龍圖閣待制知桂州 宋史 奏

右刻在臨桂冷水巖案布以贊行新法起

官誼以論新法去官氣味不侔矣而蹤跡

親密記多諛詞何也

曾布題名

南豐曾布甬上苗時中洛陽劉宗傑歷陽口謚吳

興劉誼元豐二年四月二十日同遊 真書 徑

右刻在臨桂龍隱巖

起居舍人龍圖閣待制知桂州兼廣西經畧安撫使曾布權發遣轉運使尙書度支郎中直集賢院陳倩權副使殿中丞苗時中權發遣提點刑獄太常博士劉宗傑權發遣提舉常平秘書丞齊誼管勾常平前江山縣丞劉誼元豐二年五月十日遊迴定

眞書徑一寸許

右刻在龍隱巖之迴定

南豐曾布子宜浦城陳倩君美符離苗時中子居永安劉宗傑唐輔歷陽齊誼子期長興劉誼宜父元豐二年六月初三日同遊

眞書徑一寸許

右刻在臨桂登采山

廣西通志卷二百十八金石四

五

起居舍人龍圖閣待制知桂州曾布子宜轉運使尙書度支郎中直集賢院陳倩君美副使殿中丞苗時中子居提點刑獄太常博士劉宗傑唐輔提舉常平秘書丞齊誼子期管勾常平前江山縣丞劉誼宜父元豐二年六月初三日自風洞遊伏波巖

眞書徑一寸五分

右刻在臨桂伏波巖案二刻爲一日所題先登采而後伏波也

曾布陳倩苗時中劉宗傑齊誼劉誼宋元豐二年中秋遊

眞書徑二寸

右刻在臨桂水月洞

劉宜父題名

元豐二年八月十八日劉宜父曾公冕苗永福僧紹簡遊

眞書徑二寸

右刻在臨桂中隱山

陳倩題名

元豐三年十二月初五日權本路轉運使朝散大夫直集賢院陳倩君美權判湖南路轉運使朝奉郎直集賢院朱初平仲隱權發遣提舉本路常平等事光祿寺丞劉誼宜父同遊曾公巖時仲隱宜父現筦體量安撫回歸任會此

眞書徑二寸

右刻在臨桂冷水巖案宋史南蠻試徽州

廣西通志卷二百十八金石四

六

傳熙寧八年有楊光富者率其族姓二十三州崗歸附繼有楊昌銜者亦願罷進奉出租賦爲漢民獨光僭頗負固不從命詔湖南轉運使朱初平羈縻之未幾亦降此云瓊管體量安撫歸當卽其事而劉誼實同往史未之及也

轉運使朝散大夫直集賢院陳倩權提點刑獄奉議郎彭次雲權提舉常平奉議郎齊誼權發遣提舉常平通直郎劉誼元豐三年十二月十七日同遊雉山巖寺留題

眞書徑二寸

右刻在臨桂雉山案宋詩紀事云彭次雲

吉水人元豐中桂林郡僚據此則為提點
刑獄矣

王軾題名

建安陳倩吉水彭次雲歷陽齊諫吳口劉益元豐

三年十二月二十四日同遊伏波巖真書徑二寸八分

二日大梁和斌獨遊王軾題真書徑一寸計

和斌字勝之濮州鄆城人狄青南征使部騎兵

為前鋒師還擢文思副使權廣西鈐轄累遷皇

城使昭州刺史以榮州團練使知宜州遷西上

閣門使知邕州宋史和斌傳

右刻在臨桂伏波巖

廣西通志卷二百十八金石四

李時亮題名

元豐辛酉歲孟夏二十三日君美會仲舉仲隱施

元子期自壽寧早膳泛舟晚飲雉巖是日仲隱被

旨還使湖南李時亮謹題行書徑二寸

右刻在臨桂雉山壽寧今萬壽寺唐曰善

興有舍利塔商者也又壽寧今多作寧壽

當以石刻為正

林通題潛德巖

大宋元豐四年辛酉八月林通達夫題真書徑三寸計

潛德巖真書徑一尺二寸

林通字達夫富川人仁宗時仕為御史棄歸隱

縣之豹山人因各其山曰隱山巖曰潛德巖文
右刻在富川縣豹山

趙口言題名

元豐壬戌宜州撫水蠻千紀不率秋八月廣西帥

辟奏來與戎事未幾以經制謝公俾權承東南十

三將之乏口于懷遠寨方議進討亟奉中旨悉以

招降迄癸亥春正月罷兵還桂再領帥命暫假茲

郡乘暇遊真仙巖觀先君昔為郡日所留詩刻追

悼平昔殊為感慕耳因以誌之夏五月二十八日

文思副使權郡事趙口言題男察寅侍行

右刻在融縣真仙巖謝公者知沅州謝麟

廣西通志卷二百十八金石四

也撫水蠻羅世念叛守臣王奇戰沒詔麟

與和斌討之斌至懷遠寨大破蠻眾世念

率酋黨降此云方議進討亟奉中旨招降

似未與蠻戰者與宋史和斌傳異口言親

與戎事當得其實抑或嫉斌之功邪

真僊巖詩

留題融州老君巖 權發遣提舉本路常平光祿

口口劉誼口 謾說人間假像真老君形相亦虛

言巖前瑞氣歸宸翰佛子年年口國恩中自太宗示

之徒仍不與 鑿成巖穴鬼工難中有神仙自

往還不見桃花開落處祇隨流水到人間 龍圖

蘭直學士知桂州充經略安撫使曾布和 神仙

遺像出天真造化脉渾豈易言訪古尋幽空有意

白頭軒冕感君恩 鹿龍高躡九霄難共駕仙車

去不還遺跡至今空有檜不知蟬蛻此山開有老

子升天檜鹿 權發遣轉運使朝奉大夫直集賢

院陳倩和 白石天然肖老君泉聲如誦五千言

虛無妙道無人繼却使浮屠冒寵恩 尹喜當年

共出關流沙一去未嘗還必應精爽游南越變現

形儀洞穴閒 權發遣提點本路刑獄秘書丞彭

次雲和 仙馭凌雲去幾年九流空苦道家言何

人懷古求遺像巖穴長蒙雨露恩 儼然鶴髮與

廣西通志卷二百十八金石四 九

龍顏誰道乘風不復還渾俗何須窮變化或來塵

世或雲閒 權提舉常平秘書丞齊謹和 巨石

何年此結成老君肖象亦強名以身爲患言猶在

謾使時人分重輕 巖前流水碧潺潺鶴馭翩翩

去弗還堪笑世人求不死豈知道在有無閒 元

豐六年七月一日內殿承制權知融州軍州事錢

師孟立石 真書徑一寸

注徑五分 右刻在融縣真僊巖

李孝忠題名

通直郎經畧司管勾文字李孝忠全叔永寧簿吳

朋彥周元祐二年九月七日來遊 行書徑二寸

右刻在臨桂雉山

關蔚宗題名

白龍山在桂城之東南登山之西而至其洞深廣

可數楹石之穹隆隱然若神物化去而留其跡洞

之名蓋亦舊矣元祐己巳二月八日上黨苗子居

歷陽高時仲金陵李師正黎陽吉鄰幾乘暇以遊

愛其佳趣且忘其歸因刻于石以志其來爾會稽

關蔚宗題 真書徑一寸

右刻在臨桂白龍洞

孫覽題名

元祐六年三月二十四日自逍遙樓出桂江泛舟

廣西通志卷二百十八金石四 十

至雉山觀巖洞微雨不可登絕頂泝流過壽寧復

還逍遙置酒高郵孫覽溫陵謝季成漣水孫傑荆

渚朱袞宣城董必曲江譚揆劉暉同遊 行書徑一寸

孫覽字傅師高郵人歷知河中應天府江淮發

運使進寶文閣待制由桂徙廣 宋史孫覽傳

董必字子疆宜州南陵人紹聖中提舉湖南常

平章惇與蔡卞將大誅流入遣呂升卿往廣東

必往廣西察訪哲宗既止不治然必所至猶以

慘刻案脅立威爲五書歸奏除工部員外郎中

書舍人郭知章封還其命 宋史董必傳

右刻在臨桂雉山史言必紹聖中至廣西

三

據此則紹聖前已至桂矣

盧約題名

盧約潛禮胡田耕道劉川子至胡義修茂方樓禹
隣元弼葉世隆振卿閻淳質夫傅諒友冲益方元
若允迪紹聖乙亥初伏遊真書徑三寸許右行

右刻在臨桂冷水巖

朝散郎經略安撫使司勾當公事盧約瀛州防禦
推官管勾書寫機宜文字胡義修和州防禦推官
權管勾機宜文字樓禹隣澧州錄事參軍勾當公
事葉世隆紹聖二年七月癸丑遊真書徑五寸右行

右刻在臨桂龍隱巖

廣西通志卷一百十八金石四

土

上饒盧潛禮濟北段微之毗陵胡茂方同郡樓元
弼武夸葉振卿紹聖乙亥秋九月中泮遊真書徑三寸

右刻在臨桂白龍洞

胡宗回題名

朝請大夫直龍圖閣知桂州兼安撫經略胡宗回
醇夫朝奉大夫轉運副使程節信叔朝奉郎提點
刑獄曹輔子方朝請郎轉運判官程遵彥之邵承
議郎提舉常平徐常彥和紹聖乙亥季秋甲辰同
遊真書徑三寸許

胡宗回字醇夫常州晉陵人紹聖初以直龍圖

閣知桂州宋史胡宗回傳

曹輔字子方華州人登嘉祐八年乙科官提點

廣南西路刑獄福建轉運使朝奉郎守司勳郎

中號靜常先生宋詩紀事

攻媿跋曹子方書以為祐陵時上書論時事靖

康至樞筦恩謂有兩曹輔其字子方與蘇黃游

若論事為樞筦者字載德龜山為銘合為一人

非也國學紀聞

右刻在臨桂龍隱巖案宋史徽宗紀崇寧

二年安化蠻入寇廣西經略使程節敗之

此時方為轉運副使耳節宋史無傳得此

可考其歷官之畧

廣西通志卷一百十八金石四

土

朝請大夫直龍圖閣知桂州兼安撫經略胡宗回
醇夫朝奉大夫轉運副使程節信叔朝奉郎提點
刑獄曹輔子方朝請郎轉運判官程遵彥之邵承
議郎提舉常平徐常彥和紹聖乙亥季秋甲辰同
遊真書徑四寸許

右刻在臨桂冷水巖

遇仙記

唐少卿遇仙記額真書徑一寸許

唐著作子正桂林人幼慕至道嘗寓元山觀讀書
一日有雲遊道人通名氏相過清談數日許傳
方書欵曲乃去治平初唐赴京調舉至全州中途

一僕夫偶病不能行忽復遇是道人來詢問其故

口口代病僕荷重擔前邁勁若健羽雖鞭馬疾追

常先百步外同口口其口去遂遣之道人既別即

口自全州二千七百餘里已到唐州湖陽驛留書

與驛吏曰候桂州唐秀才至即付之後月餘方抵

驛驛吏出示書面題云呈桂州唐秀才歸真子謹

封唐啟封惟一詩曰元山相見又之全下遇先生

道未緣大抵有心求富貴到頭無分學神仙篋中

靈藥宜頻施鼎內丹砂莫妄傳待得角龍為燕會

好來黃壁臥林泉唐大驚駭詰其狀貌即全州所

荷擔道人也留書之日即全州所遣日也始悟為

廣西通志卷二百十八金石四

三

神仙熙寧間倅邕管歲在丙辰交賊陷城力戰遇

害于州治中橫壁亭詩所謂角龍黃壁也贈司農

少卿紹聖三年正月甲午靈川歐陽闢記孫世

口謹勒于南溪山劉公巖石以永其傳云真書徑五分

歐陽闢字晦夫靈川人從學於梅聖俞元祐六

年舉進士任雷州石康令文

右刻在臨桂劉仙巖案宋史熙寧九年交

趾陷邕州刺史蘇軾死事甚烈事具軾傳

得此記又知有唐子正一人交趾屠郡民

五萬餘人史固不勝其載然忠盡湮沒者

多矣

胡宗回題名

朝請大夫直龍圖閣知桂州兼經畧安撫胡宗回

醇夫朝奉大夫轉運副使程節信叔朝散郎提點

刑獄梁子美才甫奉議郎提舉常平譚揆文初墨

會伏波東巖茲巖勝絕在桂林洞穴之上上其蒙

亭之本末景物之交會已載經畧司管勾機宜文

字黃邦彥之記云紹聖三年十月二十二日管勾

書寫機宜文字胡義修奉命題真書徑二寸許

右刻在臨桂伏波巖

梁才甫題名

東平梁才甫挈家自東泛舟至此遂遊壽寧紹聖

三年十二月初一日真書徑九分

廣西通志卷二百十八金石四

四

右刻在臨桂龍隱巖之迴穴

譚揆題名

曲江譚揆弟拱拱并涇川蕭汝明同遊紹聖丁丑孟

秋二日文初題真書徑二寸

右刻在臨桂伏波巖

留帖題名

信安留帖彥強江夏黃忱君錫零陵陶達由聖弟

迥隣之宣城侍其欽希聲洛陽席貢叔獻元符已

卯正月十二日同遊龍隱巖真書徑一寸許

右刻在臨桂龍隱巖

程子立黃忱題名

路分程子立銜命西邕兼將黃忱君錫餞別于蒙

亭時元符己卯孟夏既望

真書徑二寸許

右刻在臨桂伏波巖案宋有路分都監掌

本路禁放又帥府置路分鈴轄子立蓋為

是官叢載作潞汾誤又宋史撫水蠻傳蒙

光有為寇經畧司遣將官黃忱等却之又

張莊傳安化蠻納土莊遣黃忱往築州城

忱蠻將也知蠻情偽力言不可莊怒遣忱

護築淡州其人亦不阿者

張壽之題名

廣西通志卷一百十八金石四

五

壽之赴官合浦道出桂林遊龍隱巖伏觀先君經

畧龍圖留題不勝悲感元符二年九月旦日第三

男供備庫副使新差廣南西路兵馬都監兼知廉

州軍州事張壽之謹記

行書徑二寸

男光祖光嗣光弼

光庭侍行

行書徑一寸許

右刻在臨桂龍隱巖之迴穴案壽之父張

田宋史有傳田有題龍隱巖詩

許端卿題名

新定許端卿中甫雅有巖洞之好被召端刑曹鄱

陽程節信叔歷陽張景溫敦直全魏董遵守道酌

別于此而中甫眷眷有惜去之義元符庚辰五月

十九日題

行書徑二寸

右刻在龍隱巖之潛珍洞

程節題名

程節信叔張景溫敦直董遵守道許端臣中甫元

符三年五月十九日遊

真書徑二寸許

右刻在臨桂元風洞

許中甫題名

許中甫遊慶林來此庚辰六月二十八日題

真書徑三寸

右刻在臨桂屏風巖

杜唐臣題名

廣西通志卷一百十八金石四

夫

杜唐臣張通夫王誠中張通甫董君佐姪聖程聖

欽元符三年八月旦同遊

真書徑一寸許

右刻在臨桂清秀山

富川列女蔣氏塚碑

隋朝富川列女蔣氏塚西觀寺碑

額真書徑一寸許

口口口口口口口史口安樂縣君神道碑銀青光

祿大夫工部侍郎口口口口口口口口口國公口

口大唐口口口口口之元禪王春三月哉生魄日

戶部尚書金紫光祿大夫口中書令越國公鍾紹

京口口口章口陳上疏宸為祖母安樂縣君當隋

時開皇中虞子茂口口口口口而能忠烈戒子正口名

義徽書飛五花之綾錫命動九真之俗內降綴珠
碧羅芙蓉冠蹙金線紋履五章琴瑟走霞裙水晶
如意赤玉鑑臺珊瑚楞伽枕琥珀唾壺天語優舉
附諸國中大業三載終于臨慶郡青風口之口口
口四年正月元日遷祔于富川縣松安里元號水
西里因縣君葬此勅改焉取其正直安樂之義也
我太宗文武大聖皇帝眷切先臣特下明詔發皇
華之命出府庫之錢三千緡充助殯之費適丁孝
治之期敢貸銘旌之號庶繹龍綸永刻翠琰皇帝
曰俞詔工部侍郎許國公臣蘇頌詢事考能直筆
勒石謙挹弗下聊挾鄙思未能述懿錄萬分之一

廣西通志卷二百十八 金石四

七

也縣君臨賀蔣氏之艾性淑德純善談論巧書札
嘗唾青赤縹綠桃花牋寫曹大家賦學衛夫人筆
法又并從潁川鍾氏諱鸞字宗閔則魏太尉繇二
十代孫由零陵湘沅入南封賀城太守生二子長
子士雄拜開府儀同三司伏波將軍持節廣南酋
帥次子士略銀青光祿大夫嶺縣國公食邑里五
百戶武德四年李衛公巡撫嶺徼受賀州刺史每
臨母之私忌則命浮屠輩于家廟宿齋講上生經
百法論畢則望寢園之隧道連涕如雨焉噫鍾氏
甲族其來尚矣口隋以前軒冕奕世至于霸越綬
護漢疆氣英而膽豪智豐而畫高亦一時之口傑

也贊曰古人恥當年而功不立疾沒世而名不聞
蔣氏教子有方視死如歸喻禍福于文華而自守
忠義功既立矣名既聞矣封安樂縣君不亦宜乎
帝曰欽哉 蔣列女碑唐先天中蘇許公奉勅撰
也其載蔣氏能以忠烈教子使不應文華之召詳
已經五代兵火之亂湮沒已久余爲富川之二年
始購得板本于郡之廳事因市石募工並與魏鄭
公所撰隋書烈女傳刻之立于鍾山寺仁智堂而
又訪尋蔣氏印墓所在使禁護樵采且以勸夫爲
人母者教子忠孝事上之意非特爲好事者口實
而已余乃至塚側見寺觀儼然西有合掌石刻備

廣西通志卷二百十八 金石四

大

蔣氏傳曰鍾伏波母者臨賀蔣氏女也父諱鸞字
宗閔由零陵湘沅入南封賀城太守素持釋行隋
開皇二年奉勅號迦葉公卒葬于觀東立城岡面
南二子長士雄次士畧士雄仕陳爲伏波將軍陳
主以士雄嶺南酋帥慮其返覆每質蔣氏于都下
口晉王平江南以士雄在嶺表欲以恩義致之遣
蔣氏歸臨賀母子口會口拜口口口塚口口口
口口口未幾聞虞子茂作亂舉兵口掠遣同寇鍾
文華召士雄士雄將應之蔣氏謂士雄曰我在場
都備嘗辛苦今逢聖化母子聚集口身不能上報
焉得爲逆哉汝若禽獸爲心背德忘義吾當自殺

于汝前子不聞上祖太尉繇公輔魏王勳及于今
 日猶傳廟享子盡盡忠繼之士雄奉戒儆止則建
 寺觀□戌塚西懇告于皇天曰臣妾措礙祝延聖
 祚懔懔子息忠良遂一神人素衣白馬□之一夜
 大石自山巔碑于地合掌寺觀西□□□□南
 道石大馬跡印蔣氏承天之庠復為書與子茂喻
 以禍福子茂不從尋為官軍所敗上聞蔣氏甚異
 之封安樂縣君勅賜長生觀延壽寺□□四年□
 □李靖巡撫□□□□□□光暉□賢□□□□
 遣歸□□□□□□□□□□□□常植萬□禱忠
 □□□□□□甚輔□□其寺觀碑銘因五代亂壞

廣西通志卷二百十八 金石四

九

迄皇祐四載僂寇羣侵前令劉珣詣此求安果遂
 時再刻于合掌石□□□□熙寧元年奉勅賜壽
 聖寺因此觀修飾未完今遠孫鍾克諧圖成祝聖
 余雖刻碑于鍾山且未悉其靈毓乃重寫觀寺碑
 銘仍刻合掌石上贊忠賢之德行永化□仁揚聖
 道之神功同增帝德元符三年中秋月富川縣王
 端禮編真書徑五分許

右刻在富川鍾山鎮列女廟蔣氏隋書有
 傳碑中所載虞子茂事與隋書合唐碑久
 亡宋人述其文刻之字畫甚劣

廣西通志卷二百十八

廣西通志卷二百十八 金石四

三

金石略五

宋四

余夢錫曹聖延題名

上饒余夢錫宜春曹聖延建中元國元年仲春十

八日遊真書徑九分末四

右刻在臨桂龍隱巖

程節題名

鄱陽程節信叔曲江譚揆文初臨川劉蒙資明全

魏董遵守道廬陵曾鎮次山自八桂堂過浹波巖

吸茶遂遊龍隱洞辛巳清明前二日譚題真書徑二寸許

廣西通志卷二百十九 金石五

右刻在臨桂伏波巖

鄱陽程節曲江譚揆臨川劉蒙全魏董遵廬陵曾

鎮建中靖國元年寒食日同遊

右刻在臨桂龍隱巖

許慶題名

高陽許慶元善宏農楊禹圭君賓辛巳歲季春廿

九日同遊男許珪侍行謹題真書徑一寸

右刻在臨桂冷水巖不書年號考崇寧壬

午雉山題名有許元善辛巳則前一年也

許元善佐叔虎尹公弼楚冲道陳公授陳子常褚

公彥辛巳季夏晦日同遊真書徑一寸許

譚揆題名

譚揆周冕杜奎張灌張元穎錢孝彥李彥弼洪彥

昇程鄰周刊范珩曾定求辛巳臘中潯同遊真書徑二寸許

許是日譚公有曲江之歸將行率諸君為嵩中遊

行書徑一寸五分俱右行

洪彥昇字仲達饒州樂平人嘗辟廣西經略府

或稱其材擢提舉常平遷殿中侍御史孤立任

言責論蔡京朋奸誤國公私困敝願解其機政

以全晚節宋史洪彥昇傳

右刻在龍隱巖

廣西通志卷二百十九 金石五

天下洞穴類多幽陰或遠水清酌不足龍隱巖高

而明虛而有容復臨深溪大槩似碧落洞而登覽

之富則過之建中靖國元年臘二十日譚揆題真書徑一寸許

小許

右刻在龍隱巖

米程唱和詩

詩送端臣桂林先生兼簡信叔老兄帥坐 江湖

從事米芾 驂鸞碧玉林琢句白瓊瑤人閒埃瑤

盡青羅數分毫程老列仙長磊落粹露臙玉瀝發

太和得君同逍遙刻巖棲鳥鵲陟巖透紫霄南風

勿賦鵬即是 □□□劉玉堯曰末三字為人建

右刻在臨桂龍隱巖之迴穴

中靖國元年眞州清燕堂東園書 教授推官出

示米元章詩詞翰俱美三四讀而不能休敬書二

十八字謝之 鄱陽程節上 萬口口南洋水遙

清風來拂瘴煙消袖中突兀龍蛇出珊瑚天涯久

寂寥 崇寧元年三月清明廬陵李彥弼書 龍

隱住持仲堪刻石 行書徑一寸許

右刻在龍隱巖案端臣卽彥弼字也宋詩

紀事云元豐間桂林郡僚然其名見于石

刻多出元符後也

李彥弼湘南樓記

湘南樓記 篆書徑九寸許

廣西通志卷二百十九 金石五

三

上登位之明年以直龍圖閣詔寵桂州經略安撫

程公所以獎忠勤勵勲閥也公初以新天子卽大

號未及陛見仰窺清光而遠守藩城迺嬰嘉命德

上之賜頤首感榮惟是庶幾夙夜恪共厥職而公

于府事無閒巨細咸與區處邊陲晏休鈴齋多暇

顧無足以攄胷懷者而公默恢遠慮謂桂西南都

府所以爲襟山帶海用兵遣將之樞然自皇祐中

儂賊噬邊朝廷始大城桂故其隍池樓櫓之列有

瓊鴻侈麗之勢閭戕滋久城東之門柱欹綴頽棟

桷腐撓卑陬逼甚非所以爲邊庭壯觀也公迺

因舊奏而罷之起修城之金袁美成之卒搜山度

材以其心匠投內殿承制兵馬都監和議俾董厥

功惟議精覈經營贊明巧思初無擾紛土木告辦

與于建中靖國之秋成于崇寧初元之夏下拔峻

墻上聳麗譙霍若雲戟而山峙驤簷牙以掛斗傍

縈欄楯以躍林杪頽糊丹綺與朝日爭輝高甌疏

櫺與游氣襲氣觀者忡愕謂是功不訾矣公旣落

成文武賓士咸列在席飲酣公舉觴屬廬陵李彥

弼曰茲樓揭孽輪囷壓百雉之紆餘爽豁空濛睇

千里之超忽平開七星之秀峰旁舉八桂之遠韻

前橫漓江之風漪後湧口府之雲星環以羣山疊

衆皺而昂孤鶩若神騰而鬼趨若波駭而龍驚茲

廣西通志卷二百十九 金石五

四

亦勝樂之絕倫者矣昔之賦客詩人咸指桂林爲

湘水之南嘗試以湖南命焉子其爲我摘藻而碑

之惠茲樓爲不朽可乎彥弼敬復公曰昔李太白

人中僊才而以不識韓荆州爲羞韓退之天下文

伯而以不到滕王閣爲恨蓋珍夫心賞之難遭也

今僕之來棲碧幢之餘陰颯珠履之後塵時爲高

明之遊寫快襟而寓遙囑關飛動而接混茫樛杪

振英與山川淑靈相爲友朋斯豈尋常之遇哉夫

氣象之優嘉此亦造物之所深惜也然其有所謂

神龍之洞淵眞僊之窟宅各山巨川往往出於迺

州眇邑之陋幽林哀壑之口軌迹不得而經者此

亦氣象之不幸者也今湘南之景駿騁雄張環映城郊而雲烟之變化風月之朝昏千態萬狀惟公以一樓臨之倚檻轉瞬之頃盡得於眉睫之間則雖使造物欲韜光匿奇秘藏而惜之烏可得哉公識量虛明禮賢揚善髦俊之士翔集府下號爲冠蓋之盛則公之眷眷于茲樓豈造物者特所以露怪變之豪而侑觴詠之樂哉因復系之以辭云

廣西通志卷二百十九金石五

五

曾弗勞于韞鈴嘉龍閣之程公兮擁藩旄而笑談疊清威而抗稜兮洗蠻貊而律貪浹五春於蕃宣兮承皇流而澤涵奢樓觀以壯厥武兮屹飛樓之耽耽壓城椒而四瞰兮籠景象而錯夢搏翠壁而攬秀色兮駭造化之刻鑿駟蒼螭而駕青蚪兮歎肩穹而仰巉穴來風而巖隱龍兮悚靈窟之空嵌羌連拳而歛獻兮憑七星而倚神擔墟峻脚以插紫洲兮匣清口於玉匱捫太虛而梯天兮超惚恍於躡凡雅風餐而雲臥兮灑蟻蠓于棋簾羅兵尊而虹吞兮熏簪裾而醉酣仰我公之興復不淺兮躡風御而薄水蟠苑無倚馬之僊標兮爲公翻墨

海而披潛排閭闔而掀滯滯兮剖鬱紆於前瞻惟越吟楚奏而忘異鄉兮仰依劉而恬寄窮通于塵垢之外兮探虛无曠莫于周野墜景物之戀賢牧兮遑郵主人之畱淹望堯雲於慶霄兮接何時而畫三冀我公之橫翔兮拱凝旒于遠嚴風流千載於茲樓兮桂人志德以無厭崇寧元年壬午四月辛丑日廬陵李彥弼記華原周冕書郡陽程鄰篆額渚宮張灌立石朝請大夫直龍圖閣權知桂州充廣南西路兵馬都幹轄兼經略安撫上護軍都陽程節

分徑五

真書徑一寸許

真書徑一寸許

廣西通志卷二百十九金石五

六

右刻在臨桂東江門城上逍遙樓碑陰程鄰節之子也

程子立題名

程子立安撫邕筦周公儀許元善范貴之張通甫張景通蘭太冲柳成甫李端臣洪仲達程聖欽范少房周通叟崇寧壬午季夏望日題

行書徑二寸

右刻在臨桂雉山

高士勤許賓題名

沐陽高士勤德修許賓元忠崇寧元年七月初四日同遊

右刻在雉山

徽宗勅

崇寧癸未獎諭勅書額真書 徑二寸

勅程節省廣西經略司奏安化三州一鎮蠻賊結集八千餘人於地名卸甲嶺吳村蒙家寨等處作過黃忱等部領兵丁等二千九百九十餘人與賊鬪敵斫到五百四十八級陣亡一十八人賊兵大敗奪到軍器器械三萬餘數得功人乞推恩候勅旨事具悉蠻蜚跳梁為郡邑害維予信臣克奮威略選用材武提兵格鬪斬首捕虜厥功著焉除惡靖民嘉乃之舉故茲獎諭想宜知悉春暄卿比平安好遣書指不多及 二十五日 崇寧二年五

廣西通志卷二百十九 金石五

七

月二十七日桂州龍隱巖釋迦禪寺住持傳法沙門賜紫仲堪上石行書 徑一寸許

劉玉磨曰陸游老學菴筆記云自唐至本朝中書門下出勅其勅字皆平正渾厚元豐後勅出尚書省亦然崇寧間蔡京臨平寺額作險勁體來長而力短省吏始效之相誇尚謂之司空勅亦曰蔡家勅今此刻兩勅字正然又理宗與朱廣用勅今刻華景洞內勅字亦與此同蓋宋末猶用其體也

右刻在臨桂龍隱巖案宋史程節敗蠻在崇寧二年二月此勅刻于五月與史合

程建題名

東都程建子立崇寧甲申清明前一日挈家遊男徽術衍侍行行書 徑二寸許

右刻在臨桂雉山

元祐黨籍碑

元祐黨籍額八分書 徑四寸許

皇帝嗣位之五年旌別淑慝明信賞刑黜元祐害政之臣靡有佚罰乃命有司夷考罪狀第其首惡與其附麗者以聞得三百九人皇帝書而刊之石置于文德殿門之東壁永為萬世臣子之戒又詔臣京書之將以頒之天下臣竊惟陛下仁聖英武

廣西通志卷二百十九 金石五

八

遵制揚功彰善殫惡以昭先烈臣敢不對揚休命仰承陛下孝悌繼述之志司空尚書左僕射兼門下侍郎臣蔡京謹書 元祐姦黨、文臣 曾任宰臣執政官 司馬光 故 文彥博 故 呂公著 故 呂大防 故 劉摯 故 范純仁 故 韓忠彥 曾布 梁燾 故 王巖叟 故 蘇轍 王存 故 鄭雍 故 傅堯俞 故 趙瞻 故 韓維 故 孫固 故 范百祿 故 胡宗愈 故 李清臣 故 劉奉世 范純禮 安燾 陸佃 故 黃履 故 張商英 蔣之奇 故 曾任侍制以上官 蘇軾 故 劉安世 范祖禹 故 朱光庭 故 姚勔 故 趙君錫 故 馬默 故 孔武仲 故 孔文仲 故 吳安持 故 錢總 故 李之純 故 孫覺 故 鮮于

仇故趙彥若故趙嵩故王欽臣故孫升故李周故

王汾故韓川故顧臨故賈易呂希純曾肇王覲范

純粹呂陶王古豐稷張舜民張問故楊畏鄒浩陳

次升謝文瓘岑象求故周鼎徐勣路昌衡董敦逸

故上官均葉濤故郭知章楊康國龔原朱紱葉祖

洽朱師服故徐官故秦觀故黃庭堅晁補之張耒

吳安詩歐陽棐劉唐老王鞏呂希哲杜純張保源

孔平仲衡鈞寬公適故馮百藥周誼孫琮范柔中

鄧考甫王察趙珂故竈民故胡端修李傑李賁趙

合時郭執中故勞金極高公應安信之張集黃策

吳安遜周承徽高漸張鳳故解子綽呂諒卿王貫

朱紱吳朋故梁太國王古蘇迴檀固何大受王箴

鹿敏求江公望曾紂高士育鄧忠臣故种師極韓

治都脫秦希甫錢景祥周絳何大正呂彥祖梁寬

沈千曹興宗羅鼎臣劉勃王拯黃安期陳師錫于

肇黃遷莫佚正許堯輔楊肅胡良梅君俞寇宗顏

張居李修逢純熙高遵恪黃才曹盥侯顧道周遵

道林膚葛輝故宋壽岳王公彥王交張溥許安修

劉吉甫胡潛董祥揚瓊寶倪直儒蔣津王守鄧允

中梁俊民王陽張裕陸表民葉世英謝潛陳唐劉

經國湯馘故司馬康故朱保國故黃隱畢仲游常

安民汪衍余爽鄭俠常立程頤唐義問余十李格

廣西通志卷一百十九金石五

九

非陳瑾任伯雨張庭堅馬肩孫謬故陳郭朱光裔

蘇嘉襲史王回呂希績故吳儔故歐陽中立故尹

材故葉伸故李茂直吳處厚故李積中商倚故陳

祐虞防李祉李深李之儀范正平曹蓋楊緄蘇陋

葛茂宗劉謂柴衮洪羽趙天佐李新扈充故張恕

陳弁洪芻周鏐蕭利趙越滕友江洵方迺許端卿

李昭圯向綱陳泰鍾正甫高茂華楊彥璋廖正一

李夷行彭醇梁士能故武臣故張巽李備故王獻

可故胡田馬諗王履趙希夷任清郭子旂錢盛趙

希德王長民李永故王庭臣吉師雄李愚吳休復

故崔昌符潘滋高士權李嘉亮李琬劉延肇姚雄

李基故內臣故梁惟簡故陳衍故張士良梁知新

故李倬故譚展寶鉞趙約黃卿從馮說曾熹蘇舜

民楊偁梁弼陳恂張茂則故張琳裴彥臣李偁故

閻守勲王紱李穆蔡克明王化基王道鄧世昌鄧

居簡張祐王化臣故為臣不忠曾任宰臣故章惇

口故世之是非未有口失其當者所謂公論天

地並存日月並明亘億萬年矛盾互此脉終不

可亂欲勢力變置之有是哉元祐黨議徽宗因隨

感悟高宗亦繼昭雪觀國史謂實錄及諸公家傳

等書大抵有致慶元戊午備末口桂林始獲識空

承梁公之曾孫府鈴轄律愛其有前輩風度相與

廣西通志卷一百十九金石五

十